

Luđa g'oi

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-05-11520-11
Tuzla, 13.05.2014. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), Vlada Tuzlanskog kantona, na sjednici održanoj dana 13.05.2014. godine, d o n o s i

O D L U K U
o pokretanju procesa izrade Strategije razvoja Tuzlanskog kantona
za period 2016. - 2020. godina

I

Vlada Tuzlanskog kantona pokreće proces izrade Strategije razvoja Tuzlanskog kantona za period 2016. - 2020. godina, uz uvažavanje:

- postojećih strateških dokumenata po vertikalnoj i horizontalnoj razini,
- postojećeg socio - ekonomskog stanja i razvojnih prioriteta i potreba Kantona,
- raspoloživih i budućih kapaciteta Kantona,
- pozitivnih društveno - ekonomskih odnosa u okruženju.

II

Strategija razvoja Tuzlanskog kantona u potpunosti treba da bude:

- integrirane prirode, obuhvatajući ekonomsku, društvenu, okolišnu i prostornu dimenziju razvoja,
- vodeći razvojni dokument s kojim su usklađeni svi sektorski dokumenti i finansijski okviri,
- vertikalno usaglašena sa strateškim prioritetima jedinica lokalne samouprave u sastavu Tuzlanskog kantona, kao i sa strateškim prioritetima viših nivoa vlasti, predstavljajući instrument za operacionalizaciju prioriteta strategija razvoja na nivou FBiH i BiH,
- komplementarna i usklađena sa prostorno - planskom dokumentacijom (vremenski, sadržajno i metodološki) da bi predstavljala osnovu za dugoročni socio - ekonomski razvoj Tuzlanskog kantona.

III

Proces izrade Strategije razvoja Tuzlanskog kantona biće zasnovan na principima održivog razvoja i socijalne uključenosti.

IV

Sredstva potrebna za proces izrade Strategije razvoja Tuzlanskog kantona za period 2016. - 2020. godina će se obezbijediti jednim dijelom iz Budžeta Tuzlanskog kantona za 2014. godinu na poziciji 11010017 - „Sredstva sa ESCROW računa“ ekonomski kod 8215 - „Nabavka stalnih sredstava u obliku prava“, a drugim dijelom iz sredstava Projekta integriranog lokalnog razvoja (ILDP)¹ o čemu će se sačiniti Sporazum između Vlade Tuzlanskog kantona i Razvojnog program Ujedinjenih nacija (UNDP) o sufinansiranju za aktivnosti procesa izrade strategije u okviru ILDP-a.

V

Ministarstvo razvoja i poduzetništva Tuzlanskog kantona vršit će ulogu koordinatora u procesu izrade Strategije.

VI

Ministarstvo razvoja i poduzetništva Tuzlanskog kantona je određeno kao implementaciona jedinica za Tuzlanski kanton, odnosno jedinica odgovorna da koordinira sa svim ministarstvima i upravama u procesu izrade akcionih planova za strateško planiranje, te vrši monitoring, evaluaciju i izvještavanje o urađenim aktivnostima na sinhronizaciji procesa strateškog planiranja, odnosno usklađivanja svih strateških aktivnosti sa višim nivoima vlasti na kantonalnom nivou, uz obavezno dostavljanje godišnjih izvještaja Federalnom zavodu za programiranje razvoja putem Vlade Tuzlanskog kantona.

VII


Vlada Tuzlanskog kantona će posebnim rješenjem imenovati Kantonalni odbor za razvoj (KOR) kao operativno, izvršno i koordinaciono tijelo zaduženo za vođenje procesa planiranja na kantonalnom nivou.

VIII

Ova Odluka stupa na snagu danom donošenja.

DOSTAVITI:

- 1 x Svim ministarstvima,
samostalnim upravama i uredima
- 1 x Evidenciji
- 1 x a/a



¹ Projekat integriranog lokalnog razvoja (ILDP) je zajednička inicijativa Švicarske agencije za razvoj i saradnju (SDC) i Razvojnog programa Ujedinjenih nacija Bosne i Hercegovine (UNDP BiH) koja se realizira u suradnji sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske (RS), Federalnim ministarstvom pravde (Federacija Bosne i Hercegovine - FBiH) i oba saveza općina/opština i gradova.